



花草粹編五卷目錄

小令

少年遊 二十八

迎春樂 四

思遠人

滿宮花 三

瑤池燕

思越人 四

玉團兒 二

秋夜雨

入塞

醉紅粧

結帶巾

探春令 三

珍珠令

醉花陰 四

菊花新 三

望江東

青門引

望漢月 三

憶餘杭

掃市舞
詞附

南柯子

一名風蝶令
秦川三十八

傾盃令 二

鋸解令

尋芳草 王孫
信

慶同天

天下樂

夢仙郎

紅窓聽二

上林春

望遠行三

紅羅襖

恨歡遲

恨來遲

雨中花七

茶瓶兒三

鬢邊華

留春令三

浪淘沙一

一名賣花聲過龍門小
說作曲入真三十七

端正好三

戀繡衾四

杏花天四

杏花風

月照梨花

一作怨
王孫七

憶王孫

望江南二十

於中好二

江月晃重山三

步虛詞

金錯刀一名醉
璫瑟三

亭前柳四

鼓笛令

金蓮遠鳳樓

睿恩新

玉樓人

憶人人二

河傳二十

夜行船六

梁州令四

鷓鴣天

一名思佳客剪朝霞醉
梅花息遠人五十三

茶瓶兒

芳草渡三

花草粹編五卷目錄終

花草粹編卷之五

朗陵外方陳耀文晦伯甫纂

小令

少年遊

晏同叔

重陽過後西風漸緊庭樹葉紛紛朱欄向曉芙蓉妖
艷特地鬪芳新 霜前月下斜紅淡藥明媚欲回春
莫將瓊萼等閑分留贈意中人

二

霜華滿樹蘭彫蕙慘秋艷入芙蓉臙脂嫩臉金黃輕
藥猶自怨西風 前歡往事當歌對酒無限到心中

更憑朱檻憶芳容腸斷一枝紅

三

芙蓉花發去年枝雙燕欲歸飛蘭堂風軟金爐香暖
新曲動簾帷 家人拜上千春壽深意滿瓊卮綠髮
朱顏道家裝束長似少年時

四

謝家庭檻曉無塵芳晏祝良辰風流妙舞櫻桃清唱
依約駐行雲 榴花一盞濃香滿為壽百千春歲歲
年年共歡同樂嘉慶與時新

晏叔原

綠勻欄畔黃昏淡月携手對殘紅紗窗影裡朦朧騰
春睡繁杏小屏風 須愁別後天高海闊何處更相
逢幸有花前一盃芳酒歡計莫忽忽歡作

二

西溪丹杏波前媚臉珠露與深勻南橋翠柳烟中愁
黛絲雨惱嬌顰 當年此處聞歌璫酒曾對可憐人
今夜相思水長山遠閑卧送殘春

三

離多最是東西流水終解兩相逢淺情終似行雲無
定猶到夢魂中 可憐人意薄於雲水佳會更難重

細想從來斷腸多處不與這番同

四

西樓別後風高露冷無柰月分明飛鳴影裡搗衣砧
外總是玉關情 王孫此際山重水遠何處賦西征
金閨魂夢枉丁寧尋盡短長亭

五

雕梁燕去裁詩寄遠庭院舊風流黃花醉了碧梧顛
罷開卧對高秋 繁雲破後分明素月涼影掛金鈎
有人凝澹倚西樓新樣兩眉愁

歐陽永叔

去年秋晚此園中攜手翫芳叢拈花嗅藥惱烟撩霧
拚醉倚西風今年重對芳叢處追往事又成空敲遍
闌干向人無語惆悵滿枝

閨怨

柳耆卿

日高花榭嬾梳頭無語倚粧樓脩眉斂黛遠山橫翠
相對結春愁 王孫走馬長楸陌貪迷戀少年遊似
恁踈狂費人拘管爭似不風流

游宴

長安古道馬遲遲高柳亂蟬嘶夕陽島外秋風原上
目斷四天垂 歸雲一去無踪跡何處是前期狎興

生疎酒徒蕭索不似去時

秋思

參差烟樹霸陵橋風物盡前朝
衰楊古柳幾經攀折
憔悴楚宮腰
夕陽閑淡秋光老
離思滿蘅皋一曲
陽關斷腸聲盡
獨自上蘭橈

美人

層波漱澗遠山橫
一笑一傾城
酒容紅嫩歌烟清麗
百媚坐中生
墻頭馬上初相見
不準擬恁多情
昨夜更闌洞房深處
特地快逢迎

相思

簾垂深院冷蕭蕭
花外漏聲遙
青燈未滅紅窓閑卧
遠夢去迢迢
薄情謾有歸消息
鴛鴦被半香銷
試問伊家阿誰心緒
禁得恁無聊

相思

一生贏得是淒涼
追前事暗心傷
好天良夜深屏香
被爭忍便相忘
王孫動是經年去
貪迷戀有何長
萬種千般把伊情分
顛倒儘猜量

蘇東坡

去年相送餘杭門外飛雪似楊花
今年春盡楊花似雪猶不見還家
對酒捲簾邀明月
風露透窓紗
恰

伴姮娥恰雙燕分明照画梁斜

周美成

并刀如水吳鹽勝雪纖手破新橙錦幄初溫獸烟不
斷相對坐調笙低聲問向誰行宿城上已三更馬
滑霜濃不如休去直是少人行

二

朝雲漠漠散輕絲樓閣淡春姿柳泣花啼九街泥重
門外燕飛遲而今麗日明金屋春色在桃枝不似
當時小樓衝雨幽恨兩人知

三

簾牙縹緲小紅樓涼月掛銀鈎聒席筵歌透簾燈火
風景似揚州當時面色欺春雪曾伴美人遊今日
重來更無人問獨自倚欄愁

曉行

林少瞻

霽霞散曉月猶明疎木掛殘星山逕人稀翠蘿深處
啼鳥兩三聲霜華重逼雲裘冷心共馬啼輕十里
青山一溪流水都做許多情

井桃

張子野

碎霞浮動曉朦朧春意與花通銀瓶素縷玉泉金甃
真色浸朝紅花枝入面難常見青子小叢叢韶華

長在明年依舊相與笑東風

杜壽域

小軒深院是秋時風葉墮高枝踈簾靜永薄誰清夜
暑退覺寒微淒涼天氣離愁意音書杳難期多情
成病不須醫更憔悴轉尋思

二

小樓歸燕又黃昏寂寞鎖高門輕風細雨惜花天氣
相次過春分畫堂無緒初燃絳蠭羅帳掩餘薰多
情不解怨王孫任薄倖一從君

姜白石

雙螺未合雙蛾先歛家在碧雲西別母情懷隨郎滋
味桃葉渡江時扁舟載了忽忽去今夜泊前溪楊
柳津頭梨花墻外心事兩人知

長至

毛滂

逢山雪氣入踈簾羅幕曉寒添愛日騰波朝霞入戶
一線過冰簷綠樽香嫩蒲萄暖滿酌破冬嚴庭下
早梅已含芳意春近瘦枝南

天机

弄晴微雨細絲絲山色淡無姿柳絮飛殘茶蘼開罷
青杏已團枝闌干倚遍人何處愁聽語黃鸝寶瑟

塵生翠銷香滅天遠鴈書遲

趙君舉

曉山日薄半春陰煙煖柳拖金滿眼新晴歌聲樓影
悠蕩碧波心 開亭客散人歸去踈雨濕羅襟樓閣
濛濛斷虹明處十里暮雲深

迎春樂

晏同叔

長安紫陌春歸早驪垂楊染芳草被啼鶯語燕催清
曉正好夢頻驚覺 當此際青樓臨大道幽會處兩
情多少莫惜明珠百琲占取長年少

秦少遊

菖蒲葉葉知多少唯有箇蜂兒妙雨晴紅粉齊開了
露一點嬌黃小 早是被來風力暴更春共斜陽俱
老怎得花香深處作箇蜂兒抱

周美成

清池小圃開雲屋結春伴往來熟憶年時縱酒盃行
速看月上歸禽宿 牆裏脩篁森似束記名字曾刊
新綠見說別來長泂翠蘚封寒玉

二

人人花艷明春柳憶筵上偷携手趁歌停舞罷來相
就醒醒箇無此酒 比目香囊新刺繡連隔座一時

薰透為甚月中歸長是他隨車後

思遠人

晏叔原

紅葉黃花秋意晚千里念行客飛雲過盡歸鴻無信
何處寄書得淚彈不盡臨窓滴就硯旋研墨漸寫
到別來此情深處紅牋為無色

滿宮花

張泌

花正芳樓似綺寂寞上陽宮裏鈿籠金鎖睡鴛鴦簾
冷露華珠翠嬌艷輕盈香雪膩細雨黃鶯雙起東
風惆悵欲清明公子橋邊沉醉

魏承班

雲霏霏風凜凜玉郎何處狂飲醉時想得縱風流羅
帳香幃鴛鴦寢春朝秋夜思君甚愁見繡屏孤枕少
年何事負初心淚滴綫金雙粧

尹鶚

月沉沉人悄悄一炷後庭香裏風流帝子不歸來滿
地禁花慵掃離恨多相見少何處醉迷三島漏清
宮樹子規啼愁鎖碧窓春曉

瑤池燕

侯鯖錄

飛花成陣春心困寸寸別腸多少愁悶無人問偷啼
自搵殘粧粉抱瑤琴尋出新韻玉纖趁南風未解

幽愴任雲鬢眉峰歛暈嬌和恨

東坡云琴曲有瑤池燕其詞不協而聲亦怨咽變其詞作閨怨寄陳季常云此曲甚妙勿妄與人云

思越人

張泌

燕雙飛鶯百轉越波堤下長橋闌鈿花筐小匣恰舞
衣羅薄纖腰東風澹蕩慵無力黛眉愁聚春碧滿
地落花無消息月明腸斷空憶

孫光憲

古臺平芳草遠館娃宮外春滿翠黛空留千載恨教
人何處相尋綺羅無復當時事露花點滴香淚惆
悵遙天橫淥水鴛鴦對對飛起

二

渚蓮枯古樹老長洲廢苑蕭條想像玉人空處所月
明獨上溪橋經春初敗秋風起紅蘭綠蕙愁死一
片風流傷心地竟銷目斷西子

鹿虔瓘

翠屏歌銀燭背漏殘清夜迢迢雙帶繡窠盤錦薦淚
侵花暗香銷珊瑚枕膩鴉鬟亂玉纖慵整雲散苦
是適來新夢見離腸爭不干斷

玉團兒

鈿華淡紵新粧束風韻天然異俗彼此知多雖然初

見情分先熟。爐烟淡淡雲屏曲。睡半醒生香透肉。
賴得相逢若還虛過。生世不足。

用周美成韻

盧炳

綠雲慢綰新梳束。這標致諸餘不俗。邂逅相逢情懷
雅合。全似深熟。耳邊咲語論心曲。把不定紅生臉
肉。若得同歡共伊諧。老心事忒足。

秋夜雨

蔣捷

竹山詞

黃雲水驛秋笳噎。吹人雙鬢如雪。愁多無奈處。謾碎
把寒花輕撻。紅芳轉入香心裏。夜漸深人語初歇。
此際愁更別。雁影落西窓斜月。

入塞

程正伯

好思量正秋風半夜長。柰銀缸一點耿耿背西窗。
衾又涼枕又涼。露華淒淒月半牀。照得人真箇斷腸。
窓前誰浸木犀黃。花也香。夢也香。

醉紅粧

張子野

瓊林玉樹不相饒。薄雲衣細柳腰。一般粧樣百般嬌。
眉眼秀摠如描。東風搖草雜花飄。無計上青條。更
送雙歌郎且飲。郎未醉有金貂。

結帶巾

中吳紀聞

頭巾帶誰理會。三千貫賞錢新行條制。不得向後長

垂與胡服相類 法甚嚴人盡畏硬縫闊大帶向前
面繫和我大學先輩被人呼保義

宣和初有旨令士人係結帶巾否則
違制論士人甚苦之當時有謔詞云

探春令

晏叔原

綠楊枝上曉鶯啼報融和天氣被數聲吹入紗窓裏
又驚起嬌娥睡 綠雲斜軋金釵墜惹芳心如醉為
少年濕了鮫綃帕上都是相思淚

二

簾旌微動峭寒天氣龍池水泮杏花笑吐香猶淺又
還是春將半 清歌妙舞從頭按等芳時開宴記去

年對着東風曾許不負鶯花願

蔣捷 竹山詞

玉窓蠅字記春寒滿茸絲紅處畫翠鴛雙展金蛸翅
未抵我愁痕膩 芳心一點天涯去絮濛濛遮住舊
對花彈玩織瓊指為粉靨空彈淚

環珠令

張炎

桃花扇底歌聲杳愁多少便覺道花心閑了因甚不
歸來甚歸來不早 滿院飛花休要掃待留與薄情
知道知道惜一似飛和春都老

醉花陰

和江宣德
醉紅粧詞

沈會宗

微含清露真珠滴怯曉寒脉脉秉燭倚雕欄今日尊
前盡是多情客 從來應與春相得有動人標格半
咲倚春風醉臉生紅不是胭脂色

梅

舒信道

月幌風簾香一陣正千山雲盡冷對酒尊傍無語含
情別是江南信 壽陽粧罷人微困更玉釵斜襯擬
插一枝歸只恐風流羞上潘郎鬢

送陸宣德

粉輕一捻和香聚教露華休妬今日在尊前只為情
多脉脉都無語 西湖雪過難留住指廣寒歸去去

後又明年人在江南夢到花開處

九日

李易安

薄霧濃雲愁未晝瑞腦噴金獸時節又重陽寶枕紗
幙半夜秋初透 東籬把酒黃昏後有暗香盈袖莫
道不銷魂簾捲西風人似黃花瘦

菊花新

風情

柳耆卿

欲掩香幃論繾綣先歛雙蛾愁夜短催促少年郎先
去睡鴛衾圖暖 須臾放了殘針線脫羅裳恣情無
限留取帳前燈時時待看伊嬌面

張子野

墮髻慵粧來日暮家在柳橋堤下住衣緩絳綃垂瓊
樹裏一枝紅霧院深池靜花相妬粉墻低樂聲時
度長恐舞筵空輕化作綵雲飛去

杜壽域

怎柰花殘又鶯老檻裏青梅數枝小新荷長池沼當
晴晝燕子聲鬧亭欄花綻顏色好風雨催催等閒
開了酒醒暗思量無箇事甚剗煩惱

望江東

黃魯直

江水西頭隔烟樹望不見江東路思量只有夢來去
更不怕江闌住燈前寫了書無數算沒箇人傳與

直饒尋得鴈分付又還是秋將暮

青門引

張子野

天機餘錦

乍暖還輕冷風雨晚來方定庭軒寂寞近清明殘花
中酒又是去年病樓頭盡角風吹醒入夜重門靜
那堪更被明月隔墻送過鞦韆影

望漢月

晏同叔

千縷萬條堪結占斷好風良月謝娘春晚先多愁更
撩亂絮飛如雪短亭相送處長憶得醉中攀折年
年歲歲好時節怎柰向有人離別

柳耆卿

明月明月何事作圓還缺恰如年少洞房人歡
會依前離別小樓凭檻處正是去年時節千里清
光又依舊奈夜永厭厭人絕

菊

李和文

能改齋
謾錄

黃菊一叢臨砌顆顆露珠粧綴獨教冷落向秋天恨
東君不魯留意雕欄新雨霽綠蘚上亂鋪金蕊此
花開後更無花願愛惜莫同桃李

憶餘杭

掃市舞
詞賦

潘道遥

湖山
野錄

長憶西湖湖水上盡日凭闌樓上望三三兩兩釣魚
舟島嶼正清秋笛聲依約蘆花裏白鳥成行忽驚

起別來閑想整綸竿思入水雲寒

古今詞話云石曼卿見此詞使畫工絲繪之作
小景圖湘山云錢希白愛之自書玉堂屏風
潘閻字道遥狂放不羈坐盧多遜黨亡命乃變姓
名僧服入中條山後會赦以四門助教召之閻乃
自歸送信州安置仍不懲艾復為掃市舞詞曰出
硯霜價錢可贏得撥灰兼弄火暢殺我以此為士
人不齒放
棄終身

南柯子

一名風蝶
令望秦川

毛熙震

遠山愁黛碧橫波慢臉明膩香紅玉茜羅輕深院晚
堂人靜理銀箏鬢動行雲影裙遮點屐聲嬌羞愛
問曲中名楊柳杏花時節幾多情

惹恨還添恨。牽腸即斷腸。凝情不語一枝芳。獨映畫
簾閑立。繡衣香。暗想爲雲女。應憐傳粉郎。晚來輕
步出閨房。髻慢釵橫無力。縱猖狂。

永叔

鳳髻金泥帶。龍紋玉掌梳。走來窓下咲相扶。愛道畫
眉深淺入時無。弄筆偎人久。描花試手初。等閑妨
了繡工夫。咲問雙鴛鴦。字怎生書。

寄意侍妾榴花

東坡音舊續聞

紫陌尋春去。紅塵擲面來。無人不道看花回。惟見石
榴新蕊一枝開。冰簟堆雲髻。金尊灑玉醅。綠陰青

子莫相催。留取紅巾。照池臺。

舞妓

雲鬢裁新綠。霞衣曳曉紅。待歌凝立翠筵中。一朶彩
雲何事下巫峯。趁拍鸞飛鏡。回身燕漾空。莫翻紅
袖過簾櫳。怕被楊花勾引嫁東風。

端午

山與歌眉歛。波同翠眼流。遊人都上十三樓。不羨竹
西歌吹古揚州。菰黍連昌歎。瓊彝倒玉舟。誰家水
調唱歌頭。聲遶碧山飛去晚雲留。

秦少游

愁鬢香雲墜。嬌眸水玉裁。月嬾風幌為誰開。天外不知音耗，百般猜。玉露沾庭砌。金風動瑤灰。相看有似夢初回。只恐又拋人去，幾時來。

二

香墨彎彎畫。燕脂淡淡勻。揉藍衫子杏黃裙。獨倚玉闌無語，點檀唇。人去空流水。花飛半掩門。亂山何處覓行雲。又是一鈎新月，照黃昏。

贈陶心兒

玉漏迢迢盡。銀潢淡淡橫。夢回宿酒未全醒。已被鄰鷄催起，怕天明。臂上粧猶在。襟間淚尚盈。水邊燈

火漸人行。天外一鈎殘月帶三星。

未句蓋心字也

贈東坡侍妾朝雲

靄靄凝春態。溶溶媚曉光。何期容易下巫陽。祇恐使君前世是襄王。暫為清歌駐。還因暮雨忙。瞥然歸去斷人腸。空使蘭臺公子賦高唐。
靄靄詞話作洩洩使君雌黃作翰林

夕露霑芳草。斜陽帶遠村。幾聲殘角起譙音。撩亂栖鷗飛舞，鬧黃昏。天共高城遠。香餘繡被溫。客程常是可銷魂。怎向人心頭，橫着箇人人。

樓迥迷雲日。溪深漲曉沙。年來憔悴費鉛華。樓上一
天春思浩無涯。羅帶寬腰素。真珠溜臉霞。海棠開
盡柳飛花。薄倖只知游蕩不思家。

別思

賀方回

斗酒才供淚。扁舟只載愁。畫橋青柳小朱樓。猶記出
城車馬為遲留。有恨花空委。無情水自流。河陽新
鬢儘禁秋。蕭散楚雲巫雨此生休。

春夜

謝無逸

雨洗溪光淨。風掀柳帶斜。畫樓朱戶玉人家。簾外一
眉新月浸梨花。金鴨香凝袖。銅荷燭映紗。鳳盤宮

錦小屏遮。夜靜寒生春筍理琵琶。

僧仲殊

十里青山遠。潮平路帶沙。數聲啼鳥怨年華。又是淒
涼時候在天涯。白露收殘月。清風散曉霞。綠楊堤
畔鬧荷花。記得年時沽酒那人家。

塔院層閣

陳去非

矯矯千年鶴。茫茫萬里風。欄干三面看秋空。背插浮
屠千尺冷烟中。林塢村村暗。溪流處處通。此間何
似玉霄峰。遙望蓬萊依納晚雲東。

春景

由不佞

夢怕愁時斷。春從醉裏回。淒涼懷抱向誰開。些子清明時候被鶯催。柳外都成絮。欄邊半是苔。多情簾燕獨徘徊。依舊滿身花雨。又歸來。

春思

團玉梅稍重。香羅菱扇低。簾風不動蝶交飛。一樣綠陰庭院鎖斜暉。對月懷歌扇。因風念舞衣。何須惆悵惜芳菲。拚却一年憔悴待春歸。

向伯恭

梁苑千花亂。隋堤一水長。眼前風物總悲涼。何況眉頭心上不相忘。因夢聊携手。憑詩續斷腸。已驚蟄

蝶過東牆。更被風吹。吹鳴鴈不成行。

石次仲

鳳髻斜分翠。鴛鞋小。研紅。東君著意綺羅叢。最好一枝特地怨東風。懊恨無情語。嬌羞忍笑容。相看疑是夢魂中。怕逐飛雲歸去。斷行蹤。

二

疇昔飛鸞侶。而今斷鴈行。西風嶺外下斜陽。無賴一鉤新月挂人腸。雙泪沾襟袖。孤燈對客床。枕餘衾剩。只殘香。別得嬌癡不睡也思量。

三

春淺梅紅小山寒嵐翠薄斜風吹雨入簾幕夢覺南
樓嗚咽數聲角歌酒工夫懶別離情緒惡舞衫寬
盡不堪着若比那回相見更消削

四

亂絮飄晴雪殘花綉地衣西園歌舞驟然稀只有多
情蝴蝶作團飛舊事深琴怨新愁減帶圍倚樓凝
望更依依怕見一天風雨捲春歸

早春感懷

望秦川

程正伯

柳弱眠初醒梅殘舞尚癡春陰將冷傍簾幃又是東
風和恨向人歸樂事燈前記愁腸酒後知老來無

計遣芳時只有閑情隨分品花枝

竹粉翻新穉荷花拭靚粧斷雲侵晚度橫塘小扇斜
釵依約傍牙床蘸蜜分紅荔傾筒瀉碧香醉時風
雨醒時涼明月多情依舊過西廡

李蕭遠

嫋嫋秋風起蕭蕭敗葉聲岳陽樓上聽哀箏樓下淒
涼江月為誰明霧雨沉雲夢煙波渺洞庭可憐無
處問湘靈只有無情江水遠孤城

頤堂詞

命嘯無人嘯。含嬌何處嬌。江南烟水太迢迢。璧月瓊樓空想夜和朝。目斷腸隨斷。魂消骨更銷。瑣窓風雨不相饒。猶似西湖一枕聽寒潮。

新月

洪叔璵

柳浪搖清沼。荷風度晚簷。碧天如水印新蟾。一罇清光斜露玉纖纖。寶鏡微開匣。金鈎未押簷。西樓今夜有人忺。應傍粧臺低照畫眉尖。

周紫芝

霧帳蘭衾煖。薰爐寶篆濃。眼波猶帶睡朦朧。卧聽曉來雙燕語春風。螺淺歡餘黛霞銷枕處。紅斷雲飛

雨怕忽忽欲去。且留情緒兩忡忡。

方錢塘出侍兒

蟬薄輕梳髻。螺香淺畫眉。西湖人道似西施。人似西施濃淡更相宜。畫燭催歌板。飛花上舞衣。殷勤猶勸玉東西。不道使君腸斷已多時。

楊時可

怨草迷南浦。愁花傍短亭。有情歌酒莫催行。看取無情花草也。閑情。舊日臨岐曲。而今忍淚聽淮山。何在暮雲凝。待倩春風吹夢過江城。

李易安

天上星河轉。人間簾幕垂。涼生枕簟淚痕滋。起解羅衣。聊問夜何其。翠貼蓮蓬小。金銷藕葉稀。舊時天氣舊時衣。只有情懷不似舊家時。

曾覲

壁月窺紅粉。金蓮映綵山。東風絲管滿長安。移下十洲三島在人間。兩兩人初散。厭厭夜向闌。倦粧殘。醉怯輕寒。手撚玉梅無緒倚闌干。

呂居仁

驛路侵斜月。溪橋度曉霜。短籬殘菊一枝黃。正是亂山深處過重陽。旅枕元無夢。寒更每自長。只言江

左好風光。不道中原歸思轉淒涼。

丁酉清明

黃叔暘

天上傳新火。人間試袂衣。定巢新燕覓香泥。不為綉簾朱戶說相思。側帽吹飛絮。憑欄送落暉。粉痕銷。淡錦書稀。怕見山南山北子規啼。

嚴仁

柳陌通雲徑。瓊梳啓翠樓。桃花紙薄漬冰油。記得年時詩句為君留。曉綠千層出。春紅一半休。門前溪水泛花流。流到西州猶是故家愁。

蘇十能

江水粼粼碧。雲山疊疊奇。平生心事一鈎絲。便是壺
中日月更何疑。文叔今方貴。君房素自癡。洛陽塵
土浣人衣。爭似歸來雙足踏連漪。

曾舜卿

桐葉涼生夜。藕花香滿時。幾多離思有誰知。遙望盈
盈一水抵天涯。雨洒征衣淚。月顰分鏡眉。相逢又
是隔年期。不似畫橋歸燕解于飛。

傾盃令

呂聖求

楓葉飄紅蓮房肥。露枕席嫩涼。先到簾外蟾華如掃
枝上啼鴉催曉。秋風又送潘郎老。小窓明。踈螢淺
照登高送遠。惆悵白髮朱顏未了。

二

隔座藏鈞分曹射覆。燭艷漸催三鼓。箏按教坊新譜
樓外月生春浦。徘徊忽忍忙歸去。怕明朝無情風
雨。玳瑁酒團坐。且作樽前笑侶。

鋸解令

楊無咎

送人歸後酒醒時。睡不穩。衾翻翠縷。應將別淚洒西
風。盡化作斷腸夜雨。卸帆浦。淑一種。恹恹兩處尋
思。却是我無情。便不解寄將夢去。

尋芳草

本作王
孫信

辛幼安

有得許多泪更閑却許多鴛被枕頭兒放處都不是
舊家時恁生睡更也沒書來那堪被鴈兒調戲道
無書却有書中意排幾箇人人字

慶同天

張子野

海宇稱慶復生元聖風入南薰拜恩遙闕衣上曉色
猶春望堯雲游鈞廣樂人疑夢仙聲共日轉旗光
動無疆聖筭何待祝華封與天同

天下樂

楊補之

雪後雨兒雨後雪鎮日價長不歇今番為寒忒大切
和天地也來厮驚睡不着身心自暗擷况味憑誰

說枕衾冷得渾似鉄抵心頭些箇熱

又一闕尾句云更闌夜永
獨自坐借影兒厮伴着

夢仙郎

越寄

張子野

江東蘇小天斜窈窕都不勝綵鴛嬌妙春艷上新粧
肌肉過人香佳樹陰陰池院華燈綉幔花月好豈
能長見離聚此生緣何計問高天

紅窓聽

晏同叔

淡薄梳粧輕結束天意與臉紅眉綠斷環書素傳情
久許雙飛同宿一向無端分比目誰知道風前月
底相看未足此心終擬覓鴛絃重續

二
記得香閨臨別語彼此有萬重心訴淡雲輕靄知多
少隔桃源無處夢覺相思天欲曙依前是銀屏畫
燭宵長歲暮此時何計託鴛鴦飛去

上林春

東堂

蝴蝶初翻簾綉萬玉女齊同舞袖落花飛絮濛濛長
憶着灞橋別後濃香斗帳自永漏任滿地月深雲
厚夜寒不近流蘇祇憐他後庭梅瘦

望遠行

李珣

春日遲遲思寂寥行客關山路遙瓊窓時聽語鶯嬌

柳絲牽恨一條條休暈繡罷吹簫貌逐花暗凋同
心猶結舊裙腰忍辜風月度良宵

二

露滴幽庭葉落時愁聚蕭娘柳眉玉郎一去負佳期
水雲迢遞寫書遲屏半掩枕斜欹蠟淚無言對垂
吟蛩斷續漏頻移入窓明月鑒空帷

南唐李主

遶砌花光錦綉明朱扉鎮日長扃夜寒不去夢難成
爐香煙冷自亭亭殘月抹陵砧不傳消息但傳情
黃金窓下忽然驚征人歸日二毛生

紅羅襖

周美成

畫燭尋歡去，羸馬載愁歸。念取酒東壚，樽壘雖近採
花南浦。蜂蝶須知，自分袂天闊，鴻稀空懷。夢約心
期，楚客憶江籬。筭宋玉未必為秋悲。

恨歡遲

張尚書

淡薄情懷淺，綴胭脂獨占江梅。最好是嚴凝，苦寒天
氣却是開時。也不許桃杏鬪妍，娘也不許雪霜相
欺。又只恐誰家一聲羌笛，落盡南枝。

恨來遲

願堂詞

柳暗汀洲，最春深處。小宴初開，似泛宅浮家，水平風

軟咫尺蓬萊。更勸君，吸盡紫霞盃。醉看鸞鳳徘徊。
正洞裏桃花，盈盈一笑，依舊伶才。

雨中花

程正伯

聞說海棠開盡了，怎生得夜來一笑。顰綠枝頭，落紅
點裡，問有愁多少。小院閉門春悄悄，禁不得瘦腰
如嬾。豈惹濃時，醲醲香處，試把菱花照。

二

卷地芳春都過了，花不語人含笑。花與人期，人憐花
病，瘦似人多少。聞道重門深悄悄，愁不盡露啼烟
嬾。斷得相思，除非明月不把花枝照。

千古都門行路能使離歌聲苦送盡行人花殘春晚
又到東君去醉藉落花吹暖絮多少曲堤芳樹且
携手留連良辰美景留作相思處

永叔

王逐客

百尺清泉聲陸續映瀟灑碧梧翠竹面千步迴廊重
重簾幙小枕歌寒玉試展鮫綃看畫軸見一片瀟
湘凝綠待玉漏穿花銀河垂地月上欄杆曲

楊補之

自是雲濕雨潤消不解佯嗔偷悶傾坐精神故人情

性眉際春生暈語帶京華清更韻聽姪姪鶯喉嬌
稔別後相思心頭欲見覓箇燈花信

二

已是花魁柳冠更絕唱不容同伴画鼓低敲紅牙隨
應着箇人勾喚漫引鶯喉千樣轉聽過處幾多嬌
怨換羽移宮偷聲減字不怕人腸斷

晏同叔

剪翠粧紅欲就折得清香滿袖一對鴛鴦睡未足葉
下長相守莫傍細條尋嫩藕怕綠刺骨衣傷手可
惜許明月風露好恰在人歸後

茶瓶兒

元上

趙德莊

淡月華燈春夜送東風柳煙梅麝寶釵宮髻連嬌馬
似記得帝鄉游冶 悅親戚之情話况溪山坐中如
畫凌波微步人歸也看酒醒鳳鸞誰跨

寄李生

梁意娘

滿地落花鋪綉麗色着人如酒曉鶯窓外啼楊柳愁
不柰兩眉頻皺 閑山杳音信悄那堪是昔年時候
盟言辜負知多少對好景頓成消瘦

石次仲

相對盈盈一水多聲價聞名得字副能見也還拋棄
負了萬紅千翠 留無計來無計成何況味而今若
沒些兒事却枉了做人一世

鬢邊華

梅苑

小梅香細艷淺過楚岸樽前偶見愛閑淡天與精神
青鬢開人醉眼 如今拋擲經春恨不見芳枝寄遠
向心上誰解相思賴長對粧樓粉面

留春令

黃魯直

江南一鴈橫秋水嘆咫尺斷行千里回文機上字縱
橫欲寄遠憑誰是 謝客池塘春都未微微動短牆
桃李半陰總暝却清寒是瘦損人天氣

晏叔原

畫屏天畔夢回依約十洲雲
冰手撚紅牋寄人書寫
無限傷春事 別浦高樓
曾謾倚對江南千里樓下
分流水聲中有當日凭高淚

李之儀

夢斷難尋酒醒猶困那堪春暮香閣深沉紅窓翠暗
莫羨顛狂絮 綠滿當時携手路
嬾見同歡處何時
却得低幃昵枕盡訴情千縷

浪淘沙

一名賣花聲
小說作曲真

李後主

簾外雨潺潺春意闌珊羅衾不暖五更寒
夢裏不知

身似客一餉貪歡 獨自莫凭欄
無限江山別時容易見時難
流水落花春去也天上人間

二

往事只堪哀對景難排秋風庭院
蘚侵階一行珠簾
閑不捲終日誰來 金劍已沉埋
壯氣蒿萊晚涼天
靜月華開想得玉樓瑤殿影空照秦淮

永叔

把酒祝東風且共從容垂楊紫陌洛城東
總是當年攜手處遊遍芳叢
聚散苦匆匆此恨無窮今年花勝去年紅
可惜明年花更好知與誰同

萬恨苦綿綿舊約前
惟桃花溪畔柳陰間
幾度日高春睡重
繡戶深閑
樓外夕陽閑
獨自憑欄一重水
隔一重山水
闊山高人不見有淚無言

王介甫

伊呂兩衰翁
歷遍窮通一爲釣叟
一耕傭若使當時
身不遇老了英雄
湯武偶相逢
風虎雲龍與玉祗
在笑談中
直至如今千載後
誰與爭功

晏叔原

小綠間長紅
露蕊烟叢花開
花落昔年同
唯恨花前

攜手處
往事成空
山遠水重重
一咲難逢
已拚長
在別離中
霜鬢知他從此去
幾度春風

張子野

腸斷送韶華
爲惜楊花雪毬
搖曳逐風斜
容易着人
容易去
飛過誰家
聚散苦咨嗟
無計留他
行人灑
淚滴流霞
今日畫堂歌舞地
明日天涯

曲入冥

趙旭

握管淚盈眸
欲寫還休
人間情是阿誰留
千丈游絲
不落地
風外悠悠
烟雨晚山稠
人在西樓
幾行候
鴈下汀洲
一箇思鄉寒
夜客萬種離愁

美人舞

柳耆卿

有箇人人飛燕精神急
鏘環珮上華裯促拍盡隨紅
袖舉風柳腰身
蕤蕤輕裙妙盡尖新曲終獨立歛
香塵應是西施嬌困也眉黛雙顰

探春

蘇東坡

昨日出城東試探春情
墻頭紅杏暗如傾檻內群芳
芽未吐早已回春綺陌
歛香塵雪霽前村東君用意
不辭辛料想春光先到處
吹綻梅英

春情

康伯可

蹙損遠山眉幽怨誰知
羅衾滴盡淚胭脂夜過春寒

愁未起門外鴉啼
惆悵阻佳期人在天涯東風頻
動小桃枝正是銷魂時候也
撩亂花飛

念奴嬌

二

愁撚斷釵金遠信沉沉
秦箏調怨不成音郎馬不知
何處也樓外春深
好夢已難尋夜夜餘衾目窮千
里正傷心記得當初郎去路
綠樹陰陰

賀方回

一葉忽驚秋分付東流
殷勤為過白蘋洲洲上小樓
簾半掩應認歸舟
回首戀朋遊迹去心留歌塵蕭
散雲收惟有樽前曾見
月相伴人愁

風約雨橫江秋滿蓬窓箇中物色儘淒涼更是行人
行未得獨繫歸艍 擁被換殘香黃卷堆床開愁展
恨剪思量伊是浮雲儂是夢休問家鄉

朱希真

石孝友

好恨這風兒催俺分離船兒吹得去如飛因甚眉兒
吹不展耐風兒 不是這船兒載起相思船兒若
念我孤栖載取人人蓬底睡感謝風兒

杜壽域

後約無憑往事堪驚秋蛩永夜遶床鳴展轉尋思求

好夢還又難成 愁思若浮雲消盡重生佳人何處
獨盈盈可惜一天無用月空照為誰明

已未除夜

周少隱

江上送年歸還似年時屠蘇休恨到君遲覓得醉鄉
無事處莫放愁知 紅池一燈垂應笑人衰鶴長鳧
短怨他誰明日江樓春到也且醉南枝

程正伯

山盡兩溪頭水合天浮行人莫賦大江愁且是芙蓉
城下水還送歸舟 魚鴈兩悠悠烟斷雲收誰教此
水却西流載我相思千點淚還與青樓

洪叔璣

花霧漲冥冥欲雨還晴薄羅衫子正宜春無柰今宵
鴛帳裏身是行人別酒不須斟難洗離情絲鞞如
電紫騮鳴腸斷畫橋芳草踏月曉風清

過龍門

史邦卿

醉月小紅樓錦瑟篴篴夜來風雨晚來收幾點落花
饒柳絮同為春愁寄信問晴鷗誰在芳洲綠波寧
處有蘭舟獨對舊時携手地情思悠悠

陸務觀

綠樹暗長亭幾把離尊陽關常恨不堪聞何況今朝

秋色裡身是行人

清淚浥羅巾各自

消魂一江

離恨恰平分安得千尋橫鐵鑊截斷烟津

劉後村

紙帳素屏遮全似僧家無端霜月闌因紗驚起玉闌
征戍夢幾疊寒笳歲晚客天涯鬢髮蒼華今日衰
似去年此詩酒近來都減價孤負梅花

虞美人草

辛幼安

不肯過江東玉帳匆匆只今草木憶英雄唱着虞兮
當日曲便舞春風兒女此情同往事朦朧湘娥竹
上泪痕濃舜目重瞳堪痛恨羽又重瞳

夜泊廬山

徐淵子

鶴林玉露

風緊浪花生蛟吼
鼉鳴家人睡着怕人驚
只有一翁捫蝨坐
依約三更雪又打殘燈
欲暗還明有誰知
我此時情獨對梅花傾
一盞早又詩成

周晉仙

韓文璞

還了酒家錢便好安眠
大槐宮裏着貂蟬
行到江南知是夢
雪壓漁船盤礴古梅邊
也是前緣鶯黃雪白
又醒然一事最奇
君聽取明日新年

張天雨貞居詞云晉仙宋南渡來名士一號方泉老人此詞鮮于同學每愛書之

趙子發

約素小腰身不柰傷春
踈梅影下晚粧新
娟娟娉娉何樣似
一縷輕雲歌巧動朱唇
字字嬌真桃花深處
一通津悵望瑤臺
清夜月還送歸輪

侯彥周

詞話約字清妙遠勝東字

曉日掠輕雲霜瓦鱗鱗
六朝山色儼如新
家在洞庭南畔
住身在江濱華髮照烏巾
無意尋春空將兩袖
拂飛塵可惜梅花開
近路惱盡行人

柳

趙介之

搖曳萬絲風輕染烟濃
鵝黃初褪綠茸茸
雨洗雲嬌春向晚
雪絮空濛車馬灞橋中
別緒匆匆只知攀

折怨西東不道曉風殘月岸離恨無窮

巳亥三月一日

黃叔暘

鶯蝶太匆匆惱殺衰翁牡丹開盡狀元紅俯仰之間
增感槩花事成空 垂柳綠陰中粉絮濛濛多情多
病轉踈慵不是東風孤負我我負東風

登秋屏閣浩然有歸老

之興

洪覺範

冷齋夜話

城裏久偷閑塵泥雲衫此身已是再眠蚕隔岸有山
歸去好萬壑千岩 霜曉更凭欄減盡晴嵐微雲生
處是茅菴試問此生誰作伴彌勒同龕

春雨

蕭漢傑

濕逗晚香殘春淺春寒洒窓填戶着幽蘭慘慘悽悽
仍滴滴做出多般 和霰撒珠盤枕上更闌芭蕉怨
曲帶愁彈綠遍階前苔一片曉起誰看

感舊

幼卿

能改齋謾錄

極目楚天空雲雨無蹤謾留遺恨鎖眉峯自是荷花
開較晚辜負東風 客館嘆飄蓬聚散忽忽揚鞭那
忍驟花驄望斷斜陽人不見滿袖啼紅

二

簾外五更風吹夢無蹤畫樓重上與誰同記得玉釵
斜撥火寶篆成空 回首紫金峯雨潤烟濃一江春

浪醉醒中留得羅襟前日淚彈與征鴻

鄭意娘

楊思厚妻

盡日倚危欄觸目凄然乘高望處是居延忍聽樓頭
吹盡角雪滿長川 荏苒又經年暗想梁園與民同
樂五門南僧院仍存宣政字不見鰲山

豐城道中

金叔柔

女郎

雨溜和風鈴滴滴丁丁釀成一枕別離情可惜當年
陶學士孤負郵亭 邊鴈帶新聲音信難憑花鬢偷
數卜歸程料得到家秋正晚菊滿寒城

玉英

紫姑蓬萊人

古杭雜記

塞上早春時煖律猶微仰舒金線柳回堤料得江鄉
應更好閑盡梅溪 畫漏漸遲遲愁損香肌幾回無
語歛雙眉凭徧闌干十二曲日下樓西

夷堅支志壬

感舊

鄧光薦

疎雨洗天清枕簟凉生井梧一葉做秋聲誰念客身
輕似葉千里飄零 夢斷古臺城月淡潮平便須携
酒訪新亭不見當時王謝宅烟草青青

端正好

杜壽域

檻菊愁烟霑秋露天微冷雙燕辭去月明空照別離
苦透素光穿朱戶 夜來西風彫寒樹凭欄望迢遙

長路花箋寫就此情緒特寄傳知何處

二

每逢春來長如病玉容瘦薄妝相稱雙歡未經成孤
另柰後約全無定 衆禽啾啾聲愁聽相思事多少
春恨孤眠帳外銀缸耿透一點爐烟暝

三

野禽林栖啾啾語閑庭院殘陽將暮蘭堂靜悄珠簾
窳想玉人歸何處 喜鵲幾回薄無據愁都在雙眉
頭聚淒涼方感孤鴛侶對夜永成愁緒

戀繡衾

朱希真

木落紅南感未平雨瀟瀟衰鬢到今甚處是長安路
水連空山鎖暮雲 老人對酒今如此一番新殘夢
暗驚又是灑黃花泪問明年此會怎生

陸放翁

長夜偏冷添被兒枕頭兒移了又移我自是笑別人
却元來當局者迷 如今只恨因緣淺也不曾死恨
伊合手下安排了那筵席須有散時

二

病來自是於春嬾但別院笙歌一片蛛絲網遍玻黎
盞更問舞裙歌扇 有多少鶯愁蝶怨甚夢裏春歸

不管楊花也咲人情淺故故沾衣撲面

史達祖

黃華驚破九日愁正寒城風雨怨秋愁便是秋心也
又隨人來到畫樓因緣幸自天安頓更題紅不禁
御溝待寫與相思話為怕奴顛顛且休

杏花天

朱希真

淺春庭院東風曉細雨打鴛鴦寒峭花尖望見秋千
了無路踏青鬪草人別後碧雲信杳對好景愁多
歡少等他燕子傳音花紅杏開也未到

春思

吳子和

悶來憑得闌干暖自手引朱簾高捲桃花半露胭脂
面芳草如茵乍展煙光散湖光瀲灩映綠柳黃鸝
巧轉遙山好似宮眉淺人比遙山更遠

史邦卿

細風微月垂楊院記年少春愁一點棲鶯未覺花梢
顛踏損殘紅幾片長安共日邊近遠况老少芳情
漸減屏山幾夜春寒淺却怕因而夢見

春田

謝勉仲

海棠枝上東風軟蕩霽色煙光弄暖雙雙燕子歸來
晚零落紅香過半琵琶淚搵青衫淺念事與危腸

易斷餘醒未解扶頭懶屏裏瀟湘夢遠

杏花風

稼軒

軟波拖碧蒲芽短画樓外花晴柳煖今年自是清明
晚便覺芳情較懶春衫瘦東風剪剪過花塢香吹
醉面歸來立馬斜陽岸隔水歌聲一片

月照梨花

一作怨
王孫

張子野

花暮春去都門東路嘶馬將行江南江北十里五里
郵亭幾程程高城漸遠重凝睇烟容細碧空無際
不知今夜何處冷落衾幃欲眠時

陸務觀

霽景風軟烟江春漲小閣無人繡簾半上花外姊妹
相呼約樗蒲脩蛾忘了章臺樣細思一餉感事添
惆悵宵酥臂玉消減擬覓雙魚倩傳書

二

悶已繁損那堪多病幾曲屏山伴人晝靜梁燕催起
猶慵換薰籠新愁舊恨何時盡漸凋綠髮小雨知
花信芳牋寄與何處繡閣珠櫳柳陰中

黃玉林

晝景方永重簾花影好夢猶酣鶯聲喚醒門外風絮
交飛送春歸脩蛾盡了無人問幾多別恨淚洗殘

粧粉不知郎馬何處嘶烟草萋迷鷓鴣啼

春暮

李易安

夢斷漏悄愁濃酒惱寶枕生寒翠屏向曉門外誰掃
殘紅夜來風玉簫聲斷人何處春又去忍把歸期
負此情此恨此際擬託行雲問東君

二

帝里春晚重門深院草綠堦前暮天鴈斷樓上遠信
誰傳恨綿綿多情自是多沾惹難拚捨又是寒食
也鞦韆巷陌人靜皎月初斜浸梨花

怨王孫

賞荷

湖上風來波浩渺秋已暮紅稀香少水光山色與人
親說不盡無窮好蓮子已成荷葉老清露洗蘋花
汀草眠沙鷗鷺不回頭似應也恨人歸早

首句復雅歌詞作
雲鎖重樓簾幕曉

憶王孫

絕筆

周紫芝

梅子青時春漸老紅滿地落花誰掃舊年池館不歸
來又綠盡今年草思量千里鄉關道山共水幾時
得到杜鵑只解怨殘春也不管人煩惱

望江南

一名夢遊仙
江南好

李後主

多少恨昨夜夢魂中還似舊時遊上苑車如流水馬

如龍花月正春風。多少淚。斷臉復橫。願心事莫將
如淚滴。鳳笙休向月時吹。腸斷更無疑。

閉夢遠。南國正芳春。船上管絃。江面綠。滿城飛絮。混
輕塵。愁殺看花人。閉夢遠。南國正清秋。千里江山
寒色遠。蘆花深處泊孤舟。笛在月明樓。

永叔

江南蝶。斜日一雙雙。身似何郎全傅粉。心如韓壽愛
偷香。天賦與輕狂。微雨後。薄翅膩烟光。纔伴遊蜂
來小院。又隨飛絮過東牆。長是為花忙。

又

錢氏私志

江南柳。葉細未成陰。人為絲輕那忍折。鶯嬌枝嫩不
勝吟。留與待春深。十四五。閑抱琵琶尋。堦上亂錢
堦下走。那時相見已留心。何況到如今。

王君玉

琪

江南柳。烟穗拂人輕。愁黛空長描不似。舞腰雖瘦學
難成。天意與風情。攀折處。離恨幾時平。已縱柔條
維客棹。更飛狂絮撲旗亭。三月亂啼鶯。

二

江南酒。何處味偏濃。醉卧春風深巷裏。曉尋香旆小

橋東竹葉滿金鍾。檀板醉人面粉生紅。青杏黃梅
朱閣上。鱖魚苦笋玉盤中。酪酊任愁攻。

三

江南燕。輕颺繡簾風。二月池塘新社過。六朝宮殿舊
巢空。鵙鵙自西東。王謝宅。曾在桂堂中。烟迳落花
飛款款。曉窓鶻。夢語語。忽忽。偏占杏梁紅。

四

江南竹。清潤絕纖埃。深逕欲留雙鳳宿。後庭偏映小
桃開。風月影徘徊。寒玉瘦。霜霰信相催。粉泪空流
粧點在。羊車曾傍翠枝來。龍笛莫輕裁。

五

江南草。如種復如抽。深映落花鶯舌亂。綠迷南浦客
魂銷。日日鬪青袍。風欲轉。柔態不勝嬌。遠翠天涯
經夜雨。冷痕沙上帶昏潮。誰與蘭荂。

六

江南雨。風送滿長川。暮瓦烟昏沉柳岸。紅銷香潤入
梅天。飄灑正滿然。昏與暮。長在楚峯前。寒夜愁歌
金帶枕。暮江深閉木蘭船。烟泪遠相連。

七

江南水。江路轉平沙。雨霽高烟收素練。風晴細浪吐

寒花迢遞送星槎。名利客飄泊未還家。西塞前山
漁唱遠。洞庭波上。鴈行斜。征棹宿天涯。

八

江南岸。雲樹半晴陰。帆去帆來天亦老。潮生潮落日
西沉。南北別離心。興廢事。千古一沾襟。山下孤烟
漁市遠。柳邊疎雨。酒家深。行客莫登臨。

九

江南月。清夜滿西樓。雲葉開時水吐鑑。浪花深處玉
沉鈎。圓缺幾時休。星漢迴。風露入新秋。丹桂不知
搖落恨。素娥應信。別離愁。天上共悠悠。

十

江南雪。輕素剪雲端。瓊樹忽驚春意早。梅花偏覺曉
香寒。徧清歡。蟾玉迥。清夜好重看。謝女聯詩
翠幕。子猷乘興。泛平瀾。空惜舞英殘。

與龍靚

張子野

青樓宴。靚女薦瑤杯。一曲白雲江月滿。際天拖練夜
潮來。人物悞瑤臺。醺醺酒。拂上上雙腮。媚臉已非
朱淡粉。香紅全勝雪。籠梅標格外塵埃。

閨情

香闥內。空自想佳期。獨步花陰情緒亂。謾將珠泪兩

行垂勝。會在何時。懨懨病。此夕最難持。一點芳心
無托處。荼蘼架上。月遲遲。惆悵有誰知。

周美成

遊妓散。獨自遶回堤。芳草懷煙迷。水曲密雲街。雨暗
城西。九陌未霑泥。桃李下。春晚未成蹊。牆外見花
尋路轉。柳陰行馬。過鶯啼。無處不悽悽。

九日雨奉敕撰

康伯可

重陽日。陰雨四郊垂。戲馬臺前泥拍肚。龍山會上水
平臍。直浸到東籬。茱萸胖。菊蕊濕。滋滋。落帽孟嘉
尋箬笠。休官陶令。覓蓑衣。兩箇一身泥。

梅花

梅花好。依約透春光。記得佳人初睡起。巧臨鸞鑑試
新粧。粉面鬪瓊芳。江亭上。遶樹嗅清香。擬把一枝
傳信去。不知何處是蘭房。獨自暗淒涼。

夜泊龍橋灘前遇雨作

程正伯

蓬上雨。蓬底有人愁。身在漢江東畔去。不知家在錦
江頭。烟水兩悠悠。吾老矣。心事幾時休。沉水爇香
年似日。薄雲垂帳。夏如秋。安得小書舟。

石次仲

山又水。雲巘帶風灣。斷鴈飛時天指水。亂鴉啼處日

街山疑在畫圖間。人漸遠。遊子損朱顏。別淚空沾
雙袖濕。春心不放兩眉閑。此去幾時還。

盧申之

疎雨過。芳節到戎葵。纏臂細交紋線縷。稱身初試碧
綃衣。閑步小亭池。花下意。脉脉有誰知。試把花梢
和恨數。因看蝴蝶著雙飛。凝扇立多時。

壽張儀真

王楙野客
叢書

三傑後。福壽兩無涯。食乳相君功未既。嫵眷京兆眷
方滋。富貴莫推辭。門兩戟。卻棹一綸絲。尊菜秋風
鱸膾美。桃花春水鱖魚肥。笑傲雲谿潞。

酬梓潼婁道明侍兒

洞賓

瑤池上。瑞霧謁群仙。素練金童銜鳳板。青衣玉女
聳笙簫。身在大羅天。沉醉處。漂渺玉京山。唱徹步虛
清燕罷。不知今夕是何年。海水又桑田。

蔡真人

闌干曲。紅颺繡簾旌。花嫩不禁纖手捻。被風吹去意
還驚。眉黛蹙山青。鑿鐵板。間引步虛聲。塵世無人
知此曲。却騎黃鶴上瑤京。風冷月華清。

陳東靖康間嘗飲於京師酒樓有倡打坐而歌者
東不顧偁去侍側獨立歌此詞音調清越東問何
人製曰上清蔡真人也歌罷得數
錢即下樓亟遣僕追之已失矣

海山記隋煬

湖上柳烟裏不勝推。宿霧洗開明媚眼。東風搖弄好腰肢。烟雨更相宜。環曲岸。陰覆畫橋低。綠拂行人春晚。後絮飛。晴雪暖風時。幽意更依依。

青鎖高議海山記云隋煬帝泛東湖製湖上曲望江南八關接段安節樂府雜錄云望江南李德裕鎮湖日為亡妓謝秋娘所撰本名謝秋娘後改此各亦曰夢江南據此則隋時初無此詞也且此詞畧不類隋人語豈其劉斧虛構為者耶因留此一闕以祛後人之惑云

諭新及第友人

古今詞話

這癡騃。休恁淚連連。他是霸陵橋畔柳。千人攀了到君攀。剛甚別離難。荷上露。莫把作珠穿。水性本來

無定度。這邊圓了那邊圓。終是不心堅。

於中好

楊元咎

牆頭艷杏花。初試遶瓊叢。細接紅蕊欲知占盡春明。媚情無意看桃李。持盃準擬花前醉。早一葉兩葉飛墜。晚來旋旋深無地。更聽得東風起。

二

濺濺不住溪流。素憶曾記碧桃紅。露別來寂寞朝朝暮恨遮亂當時路。仙家豈解空相誤。嗟塵世自難知處。而今重與春為主。儘浪蕊浮花妬。

江月晃重山雪

陸游

芳草洲前道路夕陽樓上欄干碧雲何處望歸鞍從
軍客耽樂不思還 洞裏仙人種玉江邊禁客滋蘭
鴛鴦沙煖鵲鷓寒菱花晚不奈鬢毛斑

初到嵩山作

元遺山

塞上秋風鼓角城頭落日旌旗少年鞍馬適相宜從
君樂莫問所從誰 候騎繞通冀北先聲已動遼西
歸期猶及柳依依春閨月紅袖不須啼

步虛詞

李衛公

仙女侍董雙成桂殿夜寒吹玉笙曲終却從仙官去
萬戶千門皆月明 河漢女玉鍊顏雲輶往往到人

間九霄有路去無跡裊裊天風吹佩鬟

金錯刀

又名醉
堆瑟

馮延巳

雙玉斗百瓊壺佳人歡飲咲喧呼麒麟欲畫時難偶
鷗鷺何猜興不孤 歌婉轉醉糝糊高燒銀燭卧流
蘇只銷幾覺情騰睡身外功名任有無

目擊融草芊芊黃鸝求友啼林前柳條裊裊拖金線
花蕊茸茸簇錦毡 鳩逐婦燕穿簾狂蜂浪蝶相翩
翩春光堪賞還堪翫惱殺東風悞少年

塗值賈似道

葉李太白

余歸路君來路。天理昭昭胡不悟。公田闕會竟何如。子細思量真自誤。雷州戶。岷州戶。人生會有相逢處。客中邂逅乏蒸羊。聊贈一篇長短句。

亭前柳

朱雍

拜月南樓上面。嬋娟恰對新粧。誰凭欄干處。笛聲長。追往事。過淒涼。看素質臨風消瘦。盡粉痕輕依舊。真香蕭灑。春塵境過橫塘。渡清影在回廊。

竚立東風裏。放纖手。淨試梅粧。眉暈輕輕。盡遠山長。添新恨。更淒涼。嘗憶驛亭人別後。尋春去。盡是幽。

香歸路臨清淺。在寒塘。同水月照虛廊。

三

養就元霜圃。問東君。曾放瑤英。回首藍橋。路遍瓊城。橫斜影照人明。飄香信。玉溪仙佩晚。同新月。步入西清。冰質枝頭。裊更輕盈。分春色贈雙成。

趙介之

坦菴

晚秋天過暮。雨雲容斂。月澄鮮。正風露淒清處。砌蛩喧。更黃葉舞翩翩。念故里。千山雲水。隔被名韉。利鎖索牽。莫作悲秋意。對樽前。同樂太平年。

鼓笛令

黃魯直

寶犀未解心先透惱殺人遠山微皺意淡言踈情寂
厚枉教作着行宮柳惜小雨勒花時候抱琵琶為誰
瘦翡翠金籠思環偶忽拚與山鷄儂倦

金蓮遶鳳樓

宋徽宗

絳燭朱籠相隨映馳繡轂塵清香襯萬金光射龍軒
瑩遶端門瑞雷輕振元宵為開聖景嚴敷坐觀燈
錫慶帝家華英乘春興褰珠簾望堯瞻舜

睿恩新

晏同叔

芙蓉一朶霜秋色迎曉露依依先折似佳人獨立傾
城傍朱檻暗傳消息靜對西風脉脉金藥綻粉紅

如滴向蘭堂莫厭重新免清夜微寒漸逼

二

紅絲一曲傍階砌珠露下獨呈纖麗剪鮫綃碎作香
英粉彩線簇成嬌藥向晚群花新悴放朶朶似延
秋意待佳人插向釵頭更裊裊低臨鳳髻

玉樓人

去年尋處曾持酒又還是向南枝見後宜霜宜雪精
神沒些兒風味減舊先春似與群芳鬪暗度香不
待頰嗅有人咲折歸來玉纖長儘露羅袖

憶人人

密傳春信微粧曉景淡
貯香苞欲綻臨風雖未吐芳
心奈暗露盈盈粉面
何人月下一聲長笛即是飛
英亂憑欄無惜賞芳姿更莫待傾筐已滿

又

前村滿雪難尋幽艷無奈
清香漏綻烟稍霜萼出墻
時似暗妬壽陽粧面
幽香浮動無緣攀賞但只心
勞魂亂不辭他日醉瓊姿
又只恐陰成子滿

河傳

温飛卿

湖上閒望雨蕭蕭烟浦花橋
路遙謝娘翠蛾愁不銷
終朝夢魂迷晚潮
蕩子天涯歸棹遠春已晚
鷺語

空腸斷若耶溪溪水西柳堤不聞郎馬嘶

二

江畔相喚曉粧鮮仙景
箇女採蓮請君莫向那岸邊
少年好花新滿船
紅袖搖曳逐風暖垂玉腕
腸向柳絲斷浦南歸浦北歸
莫知晚來人已稀

三

同伴相喚杏花稀
夢裏每愁依遠仙客一去燕已飛
不歸泪痕空滿衣
天際雲鳥引情遠春已晚烟靄
渡南苑雪梅香柳帶長小娘轉
令人意傷

李詢

去去何處迢迢巴楚山水相連朝雲暮雨依舊十二
峯前猿聲到客船 愁腸豈異丁香結因離別故國
音書絕想佳人花下對明月春風恨應同

二

春暮微雨送君南浦愁歛雙蛾落花深處啼鳥似逐
離歌粉檀珠淚和 臨流更把同心結情哽咽後會
何時節不堪回首相望已隔汀洲橈聲幽

孫光憲

風颭波斂團荷閃閃珠傾露點木蘭舟上何處吳娃
越艷藕花紅照臉 大堤狂殺襄陽客烟波隔渺渺

湖光白身已歸心不歸斜暉遠汀鷓鴣飛

二

太平天子等閑遊戲疏河千里柳如絲隈倚淶波春
水長淮風不起 如花殿脚三千女爭雲雨何處留
入仕錦帆風烟際紅燒空魂迷大業中

三

花落烟薄謝家池閣寂寞春深翠娥輕歛意沉吟沾
襟無人知此心 玉爐香斷霜灰冷簾鋪影梁燕歸
紅杏晚來天空悄然孤眠枕檀雲髻偏

顧夔

燕颺晴景小窓屏暖鴛鴦交頸菱花掩却翠鬟欹慵
整海棠簾外影 繡幃香斷金鷄鶻無消息心事空
相憶倚東風春正濃愁紅泪痕衣上重

二

棹舉舟去波光渺渺不知何處岸花汀草共依依雨
微鷓鴣相逐飛 天涯離恨江聲咽啼猿切此意向
誰說艤棹撓獨無慘魂銷小鑪香欲焦

常莊

何處烟雨隋堤春暮柳色葱蘢畫撓金縷翠旗高颺
香風水光融 青娥殿脚春粧媚輕雲裏綽約司花

妓江都宮闕清淮月映迷樓古今愁

二

春晚風暖錦城花滿狂殺遊人玉鞭金勒尋勝馳驟
輕塵惜良晨 翠娥爭勸臨邛酒纖纖手拂面垂絲
柳歸時烟裏鐘鼓正是黃昏暗銷魂

三

錦浦春女繡衣金縷霧薄雲輕花深柳暗時節正是
清明雨初晴 玉鞭魂斷烟霞路鶯鶯語一望巫山
雨香塵隱映遙見翠檻紅樓黛眉愁

顧曼

曲檻春晚碧流紋細柳楊絲軟露花鮮杏枝繁鶯轉
野蕪平似剪直是人間到天上堪遊賞醉眼疑屏
障對池塘惜韶光斷腸為花須盡狂

閻選

秋雨秋雨無晝無夜滴滴霏霏暗燈涼簟怨分離妖
姬不勝悲西風稍急喧窓竹停又續膩臉懸雙玉
幾迴邀約鴈來時違期鴈歸人不歸

張泌

渺莽雲水惆悵暮帆去程迢遞夕陽芳草千里萬里
鴈聲無限起 夢魂悄斷烟波裏心如醉相見何處

是錦屏香冷無睡被頭多少泪

二

紅杏交枝相映密密濛濛一庭濃豔倚東風香融透
簾櫳斜陽似共春光語蝶爭舞更引流鶯妬魂銷
千片玉罇前神仙瑤池醉暮天

薛昭蘊

秋光滿目風清露白蓮紅水綠何處夢迴弄珠拾翠
盈盈倚蘭橈眉黛蹙採蓮調穩聲相續吳兒伴侶
倚棹吳江曲驚起暮天幾雙交頸鴛鴦入蘆花深處
宿

美人

柳耆卿

淮岸漸晚園荷向背芙蓉深淺仙娥畫舸露影紅芳
 交亂難分花與面採多不覺輕舸滿呼歸伴急漿
 烟村遠隱隱棹歌漸被蒹葭遮斷曲終人不見

秦少游

恨眉醉眼甚輕輕覩著神魂迷亂常記那回小曲闌
 干西畔鬢雲鬆羅襪刻丁香咲吐嬌無限語軟聲
 低道我何曾慣雲雨未諧早被東風吹散悶損人天
 不管

呂聖求

斜紅照水似晴空萬里明霞相倚逐伴笑歌小立綠
 槐陰裡銷沒此春風味紛紛覩着閑桃李淺淺深
 深不滿遊人意幽艷一枝向晚重簾深閉是青君愛
 惜底

妓行四者

雙花對植似黃封和了龍香難敵四和悶把琵琶試
 把么絃輕輾算行家纔認得四行朱窩戲捻骰兒擲
朱窩四隻惟有燒盆貢采偏難覓四隻滿江紅常把
 骰子賭名名那目字橫書謝三娘全不識俗云謝三娘不識四字罪字頭

夜行船

永叔

滿眼東風飛絮催行色短亭春暮落花流水草連雲
看看是斷腸南浦檀板未終人去去扁舟在綠楊
深處手把金尊難為別更那堪亂鴛踈雨

別情

謝希深 絳

昨夜佳期初共鬢雲低翠翹金鳳尊前和咲不成歌
意偷轉眼波微送草草不容成楚夢漸寒深翠簾
霜重相看送到斷腸時月西斜画樓鍾動

餘英溪泛舟

毛滂

弄冰餘英溪畔綺羅香日遲風慢桃花春浸一篙深
畫橋東柳低烟遠漲綠流紅空滿眼倚蘭橈舊愁

無限莫把鴛鴦鷺飛去要歌時少低檀板

楊元咎

怪被狂風相誤落輕帆暫停烟渚桐樹陰森茅簷瀟
洒元是那回來處相與狂朋沽醪醕聽胡姬隔窗
言語我既痴迷君還留意明日慢移舡去

孫浩然

何處採菱歸暮隔宵烟菱歌輕舉白蘋風清月華寒
影朦朧非和梅雨脉脉相逢心似許扶蘭棹黯然
凝竚遙指前村隱隱烟樹含情背人歸去

蒲江

暖入新梢風又起秋千外霧縈縵細鳩侶寒輕燕泥
香重人在杏花窓裡十二銀屏山四倚春醪困共
篝沉水却說當時柳啼花怨魂夢為君迢遞

梁州令

梁

柳耆卿

夢覺紗窓曉殘燈掩然空照因思人事苦縈牽離愁
別恨無限何時了憐深定是心腸小徃徃成煩惱
一生惆悵情多感月不長圓春色易為老

東堂石榴

歐陽公

翠樹芳條颯灼灼裙腰初染佳人携手弄芳菲綠陰
紅影共展雙紋簾插花照影鏡裏羞鑑只恐芳容減

不堪零落春晚青苔雨後深紅點

二

一去門閑掩重來却尋朱檻離離秋實弄輕霜嬌紅
脉脉似見燕脂臉人非事徃空眉斂誰把佳期賺
芳心只願長依舊春風更放明年艷

小山

莫唱陽關曲淚濕當年金縷離歌自古最銷魂于今
更在銷魂處南樓楊柳多情緒不繫行人住人情
切似飛絮悠揚便逐春風去

鷓鴣天

一名思佳客剪朝霞醉梅花思越人

永叔

學畫宮眉細細長芙蓉出水闌新粧只知一笑能傾
國不信相看有斷腸雙黃鵠兩鴛鴦迢迢雲水恨
難忘早知今日長相憶不及從初莫作雙

輦路聞車中美人呼歐九醜面漢

寶轂雕輪狹路逢一聲腸斷秀幃中身無彩鳳雙飛
翼心有靈犀一點通金作屋玉為籠車如流水馬
如龍劉郎已恨蓬山遠更隔蓬山十萬重

晏叔原

彩袖慙慙捧玉鍾當年拚却醉顏紅舞低楊柳樓心
月歌盡桃花扇影風從別後憶相逢幾回魂夢與

君同今宵剩把銀缸照猶恐相逢是夢中

三

陌上濛濛殘絮飛杜鵑花裡杜鵑啼年年底事不歸
去怨月愁烟長為誰梅雨細曉風微倚樓人聽欲
沾衣故園三度群花謝曼倩天涯猶未歸

柳耆卿

吹破殘烟入夜風一軒明月上簾櫳因驚路遠人還
遠縱得心同寢未同情脉脉意忡忡碧雲歸去認
無蹤只應曾向前生裏愛把鴛鴦兩處籠

妓館

東坡

咲撚紅梅。彈翠翹。揚州十里。寂妖嬈。夜來綺席新。曾見撮得精神。滴滴嬌。嬌後眼。舞時腰。劉郎幾度。欲魂消。明朝酒醒。知何處。腸斷雲間。碧玉蕭。

春閨

秦少游

枝上流鶯。和淚闌。新啼痕。間舊啼痕。一春魚鳥無消息。千里關山。勞夢魂。無一語。對芳樽。安排腸斷。到黃昏。甫能多得燈兒了。雨打梨花。深閉門。

黃山谷

節去蜂愁。蝶不知。曉庭環繞。折殘枝。自然今日人心別。未必秋香。一夜衰。無閑事。即芳期。菊花須插滿。

頭歸。宜將酪。丁酬佳節。不用登臨。送落暉。

重九集句

塞鴈初來。秋影寒。霜林風過。葉聲乾。龍山落帽。千年事。我對西風。猶整冠。蘭委佩。菊堪餐。人情世事。半悲歡。但將酪。酹酬佳節。更把茱萸。子細看。

又

西塞山邊。白鳥飛。桃花流水。鱖魚肥。朝廷尚覓玄真子。何處如今。更有詩。青篛笠。綠蓑衣。斜風細雨。不須歸。人間底事。風波險。一日風波。十二時。

和韓持國瑞鷓鴣

范純仁集

臘後春前爇律催。日和風軟欲開梅。公方結客尋佳景。我亦忘形趁酒杯。添歌管。續尊壘。更闌燭短未能回。清歡莫待相期約。乘興來時便可來。

淚

小說山亭

碎似真珠顆顆停。清如秋露臉邊傾。酒時點盡湘江竹。感處曾摧數里城。思薄倖。憶多情。玉纖彈處暗銷魂。有時看了鮫綃上。無限新痕壓舊痕。

李元膺

寂寞秋千兩繡旗。日長花影轉階遲。燕鶯午夢週遮語。蝶困春遊落托飛。思往事。入顰眉。柳梢陰重又

當時薄情風絮難拘束。飛過東牆不肯歸。

賀方回

怱怱離亭斷綵襟。碧雲明月兩關心。幾行書尾情何限。一尺裙腰瘦不禁。遙夜半。曲房深。有時昵語話如今。侵牕冷雨燈生暈。泪濕羅牋楚調吟。

過湖陰席上贈妓

蘇養直

梅妬晨粧雪妬輕。遠山依約學眉青。樽前無復歌金縷。夢覺空餘月滿林。魚與鴈。兩浮沉。淺顰微笑愔。関心相思恰似江南柳。一夜春風一夜深。

石孝友

收拾眉尖眼尾情。當筵相見便相親。偷傳翡翠歌中意。暗合鴛鴦夢裏身。雲態度。月精神。月流雲散兩無情。覺來一枕淒涼恨。不敢分明說向人。

二

收拾眉尖眼尾情。夜來真箇夢傾城。鴛鴦有底情難盡。蝴蝶無端夢易驚。愁一搦。月三更。綉幃應好睡。輕盈。知他莫有相憐分。展轉尋思直到明。

陳子高

芳樹陰陰脫晚紅。餘香不斷玉釵風。薄情夫婿花相似。一片西飛一片東。金翡翠。繡芙蓉。從教織媚笑。

牀空。綵藍衫子休無賴。只與離人結短封。

陳瑩中

宜笑宜顰掌上身。能歌能舞惡精神。臉邊紅入桃花嫩。眉上青歸柳葉新。嬌不語。易生嗔。尊前還是一番春。深杯百罰重拚却。只為妖嬈醉得人。

自述

朱希真

我是清都山水郎。天教分付與誰狂。曾批給雨支風券。屢上留雲借月章。詩萬首。酒千觴。幾曾着眼看。候王。玉樓金闕慵歸去。且插梅花醉洛陽。

無名氏

擬上高樓欲散愁。奈愁隨我上高樓。經行眼底青山
徧。點檢簪邊白髮稠。歸去去。去休休。不成人總待
封侯。蒼烟起處孤雲白。人若如雲儘自由。

毛桀

別後應怜信息疎。西風幾度到庭梧。夜來縱有鴛鴦
夢。春去空餘蛺蝶圖。烟樹遠。塞鴻孤。垂垂天影帶
平蕪。憑誰寫此相思曲。寄與馮川鄭小奴。

上元

向伯恭

紫禁烟花一萬重。鼇山宮闕隱晴空。玉皇端拱彤雲
上。人物嬉遊陸海中。星轉斗。駕回龍。五侯池館醉

春風而今白髮三千丈。愁對寒燈數點紅。

秋意

辛幼安

枕簟溪堂冷欲秋。斷雲依水晚來收。紅蓮相倚深如
怨。白鳥無言定自愁。書咄咄。且休休。一立一整也
風流。不知筋力衰多少。但覺新來懶上樓。

石次仲

家住東湖湖上頭。別來風月為誰留。落霞孤鷺齊飛
處。南浦西山相對愁。真了了。好休休。莫教辜負菊
花秋。浮雲富貴何須羨。畫餅聲名肯浪求。

二

一別音塵兩杳然。不堪虛度菊花天。鶻秋遠鴈橫斜。
字噪晚哀蟬。斷續絃。好持息惡因緣。涼宵如水復
如年。夢魂不怕風波險。飛過江西阿那邊。

三

屏幃重重翠幕遮。蘭膏烟燠篆香斜。相思樹上雙栖
翼。連理枝頭並蒂花。歌鳳髻。鞦韆烏紗。雲慵雨困興
無涯。箇中贏得平生事。兔走烏飛一任他。

旅中中秋

露葉披殘露顆傳。明星着地月流天。不辭獨賞窮今
夜。應為相逢憶去年。辜窈窕。負嬋娟。誰知兩處照

孤眠。姮娥不怕離人怨。有甚心情獨自圓。

和伯可

曾覲

桃李飄零春已深。可憐輕負惜花心。樽前賴有紅千
疊。窗外休驚綠滿林。燈灼灼。醉沉沉。笙歌叢裏酒
頻斟。留歡且莫匆匆去。帳望春歸何處尋。

趙寶文

未有年光好破瓜。綠珠嬌小翠鬟丫。清肌瑩骨能香
玉。艷質英姿解語花。釵插鳳髻堆鴉。舞腰春柳愛
風斜。有時馬上人爭看。擘破紅窓新絳紗。

思遠人

趙德麟

素玉朝來有好懷。一枝梅粉照人開。晴雲欲向盃中起。春色先從臉上來。深院落小樓臺。玉盤香篆看徘徊。須知月色撩人恨。數夜春寒不下階。

張安國

日日青樓醉夢中。不知樓外已春濃。杏花未遇疎疎雨。楊柳初搖短短風。扶畫鷁。躍花驄。湧金門外小橋東。行行又入笙歌裏。人在珠簾第幾重。

情景

洪空同

意態嬋娟畫不如。瑩然初日照芙蕖。笑指瓊佩遺交甫。肯把文梭擲幼輿。花上蝶。水中鳧。芳心密意兩

相於。情知不作庭前柳。到得秋來日日踈。

怨別

嚴次山

一徑蕭條落葉深。離腸淒斷月明砧。征鴻送恨連雲起。促織驚秋傍砌吟。風悄悄。夜沉沉。鴛鴦機坐冷。曉霜侵。挑成錦字心相向。未必君心似妾心。

二
思
閨

多病春來事事慵。偶因撲蝶到庭中。落紅萬疊花經雨。斜碧千條柳困風。深院宇。小簾櫳。幾年離別恰相逢。擎觴未飲心先醉。為有春愁似酒濃。

三
惜
別

一曲危絃斷客腸。津橋捩柂轉牙樯。江心雲帶蒲帆重。樓上風吹粉淚香。瑤草碧。柳芽黃。載將離恨過瀟湘。請君看取東流水。方識人間別意長。

四思春

病去那知春事深。流鶯喚起惜春心。桐舒碧葉慳三寸。柳引金絲可一尋。憐綉閣對雲岑。苦無多力懶登臨。翠羅衫底寒猶在。弱骨離支瘦不禁。

五情閨

高杏酣酣出短墻。垂楊裊裊蘸池塘。文鴛藉草眠春晝。金鯉吹波弄夕陽。閑倚鏡。理明粧。自翻銀葉炷

衙香。鳴鞭已過青樓曲。不是劉郎定阮郎。

六別意

行盡春山春事空。別愁離恨滿江東。三更鼓潤官樓雨。五夜燈殘客舍風。寒淡淡。曉朧朧。黃鸝催斷丑時鐘。紫騮嘶勒金銜響。衝破飛花一道紅。

陸務觀

家住東吳近帝鄉。平生豪舉少年場。十千沽酒青樓上。百萬呼盧錦瑟傍。身易老。恨難忘。尊前贏得是淒涼。君歸為報京華舊。一事無成兩鬢霜。

千古身如下。段克己

千尺長虹下飲溪。蕭山環合翠屏圍。非魚定不知魚
樂得鹿還生失鹿悲。花藹藹絮霏霏。東風不染鬢
邊絲。百川尚有西流日。一老曾無卻少時。此溪西
溪故也
豪氣消磨百尺樓。憂來一日抵三秋。故人落落晨星
少。新塚纍纍塞草稠。思往事。去悠悠。夕陽回首忽
西流。葉聲偏入愁人耳。聲本無心人自愁。

壬辰豫章惠月佛閣趙介之

烟靄空濛江上春。久陽芳草渡頭情。飛紅已逐東風
遠。嫩綠還因夜雨深。情脉脉。思沉沉。捲簾愁與暮

雲平。闌干倚徧東西曲。杜宇一聲腸斷人。

集句 趙獻之州

十頃平波溢岸青。草香沙煖水雲晴。輕衫短帽垂楊
裏。楚潤相看別有情。揮彩筆。倒銀餅。花枝照眼句
還成。老來漸減金釵典。回施春光與後生。

集句 鄭明舉

欲把長繩繫日難。紛紛從此見花殘。休將世事兼身
事。須看人間比夢間。紅燭繼。艷歌闌。等閑留客却
成懽。勸君更盡一杯酒。贏得浮生半日閑。

車中 無名氏

紫陌朱輪去似流。丁香初結小銀鈎。凭闌試問奈樓
路。瞥見纖纖十指柔。金約腕。玉搔頭。儘教人看却
佯羞。欲題紅葉無流水。別是桃源一段愁。

離別

鎮日無心掃黛眉。臨行愁見理征衣。樽前祇恐傷郎
意。閣淚汪汪不敢垂。停寶馬。捧瑤卮。相斟相勸忍
分離。不如飲待奴先醉。圖得不知郎去時。

集曲名

朱子厚翰

燭影搖紅。玉漏遲。鵲橋仙子下瑤池。傾盃樂處笙歌
沸。蘇幙遮闌笑語隨。醉落魄。阮郎歸。傳言玉女步

輕移鳳凰臺。上深深。碩一日和鳴十二時。

李易安

寒日蕭蕭上鎖窓。梧桐應恨夜來霜。酒闌更喜團茶
苦。夢斷偏宜瑞腦香。秋已盡。日猶長。仲宣懷遠更
淒涼。不如隨分尊前醉。莫負東籬菊蕊黃。

春溪

朱淑真

獨倚闌干晝日長。紛紛蜂蝶鬪輕狂。一天飛絮東風
惡。滿路桃花春雨香。當此際。意偏傷。萋萋芳草傍
池塘。千鍾尚欲偕春醉。幸有荼蘼與海棠。

寄李之問

聶勝瓊京師名妓

玉慘花愁出鳳城。蓮花樓下柳青青。清樽一曲陽關後。別箇人人第五程。尋好夢。夢難成。况誰知我此時情。枕前淚共芭蕉雨。隔箇窓兒滴到明。

張東父

覓盡香羅金縷衣。心情不似舊家時。萬絲柳暗才飛絮。一點梅酸已着枝。金底背。玉東西。前歡贏得兩相思。傷心不及風前燕。猶解穿簾度幕飛。

閨思

馬莊父

輕鴨徘徊煙縷長。日高春困不成粧。步歌草色金蓮潤。熱斷花鬢玉笋香。輕洛浦。笑巫陽。錦紋新織寄

檀郎。兒家閉戶藏春色。戲蝶遊蜂不敢狂。

除夕

朱希真

檢盡曆頭冬又殘。愛他風雪耐他寒。拖條竹杖家家酒。上箇籃輿處處山。添老大。轉痴頑。謝天教我老來閑。道人還了鴛鴦債。紙帳梅花醉夢間。

蘇養直

楓落河梁野水秋。淡烟衰草接郊丘。醉眠小塢黃茅店。夢倚高城赤葉樓。天杳杳。路悠悠。鈿箏歌扇等閑休。灞橋楊柳年年恨。鴛浦芙蓉葉葉愁。

思佳客

秋扇

高賓王

入手西風意已秋。不須玉斧為重脩。撲螢涼夜沉沉月。障面清歌澹澹秋。休棄置。且遲留。可憐又向篋中收。莫教暗損乘鸞女。漢殿淒涼萬古愁。

剪朝霞

丹牡

賀方回

雲弄輕陰穀雨乾。半垂油幕護殘寒。化工着意呈新巧。剪刻朝霞釘露盤。揮錦繡。掩芝蘭。開元天寶盛長安。沉香亭子鈎欄畔。偏得三郎帶笑看。

醉梅花

壽趙西林弟
子葉行之

蒲江

傳得西林一派清。年華遂過欠官稱。居無多地花常好。客有來時鶴自鳴。分盡館。駐篔簹。齊眉相對眼

此
行
誤
格
正

檀郎兒家閉戶藏。春色戲蝶游蜂不敢狂。

茶瓶兒

悼

李元膺

去年相逢深院宇。海棠下。曾歌金縷歌罷花如雨。翠羅衫上點點紅無數。今歲重尋携手處。空物是人非春暮。回首青門路。亂紅飛絮相逐東風去。

芳草渡

馮延巳

梧桐落。蓼花秋。烟初冷。雨繞收。蕭條風物正堪愁。人去後。多少恨。在心頭。燕鴻遠。羗笛悠。渺渺澄波一片山如黛。月如鈎。笙歌散。夢魂斷。倚高樓。

張子野

雙門曉鎖響朱扉千騎擁萬人隨風鳥弄影画船移
歌時泪和別愁作秋悲 寒潮小渡淮遲吳越路漸
天涯宋玉臺上為相思江雲下日西盡鴈南飛

二

主人宴客玉樓西風飄雪忽霽霏唐昌花藥漸平枝
浮光裡寒聲聚隊禽栖 驚曉日喜春遲野橋時伴
梅飛山明日遠霽雲披溪上月堂下水併春輝

花草粹編卷之五終

